

吳

興

藝

文

補

吳興藝文補卷之六十九目錄

補遺詩

錢起

紫參歌 并序

白居易

自到郡齋僅經旬日方專公務未及宴遊偷閒
走筆題二十四韻兼寄常州賈舍人湖州崔
郎中仍呈吳中諸客

仲夏齋居偶題八韻寄微之及崔湖州

夜泛陽塢入明月灣卽事寄崔湖州

和楊六尚書喜兩弟漢公轉吳興魯士賜章服
命賓開宴用慶思榮賦長句見示

晚春寄徵之并崔湖州

許渾

送郭秀才遊天台 并序

送林處士自閩中道越 言抵兩川

姚合

九日寄錢可復

朱熹

題沈公雅卜居圖

公雅名度
德清人

夫題李彥中所藏俞侯墨戲

俞侯名侯
歸安人

王安石

送沈興宗察院出使湖南

韓元吉

雨中聞伯恭至湖上

楊萬里

上巳日子與沈虞卿尤延之莫仲謙招陸務觀

沈子壽小集張氏北園賞海棠務觀持酒酌
花予走筆賦長句

再和

跋袁起巖所藏後河帖并遺像一軸詩中語皆

彙括帖中語也

程泰之尚書龍學挽詞

寄袁起巖樞密賀新除仍謝送四緘并詩集兼

懇求陳壻薦書

和袁起巖郎中投贈七字二首

走筆和袁起巖元夕前一夜雷作

再和袁起巖韻

陸魯望

題王亞夫檢正峴湖堂

春雨呈袁起巖

再和

寄題萬元亨舍人園亭七景

跋陳簡齋奏艸

龍輔

戲示女伴

晚景

夏閨

春日

睡起

答外

偶成

蘭梅詩

山中寄外

并序

答外

寄外讀書處

管仲姬

渙父詞

趙孟頫

和

牟巖

山中春盡

題水竹居

錢選

天台雜書

雜書

中秋月

友人判太平歸來詩卷

春日卽事

夜宿南山僧寺

張復亨

次姚子敬清塘卽事韻

三月望日陪黃靜菴小宴鮑家山分韻得六字

唐棣

題蘇潭別業

無題

姚式

秋懷

送趙修撰

晚春

陳康祖

碧筒

詠草

章得一

偶題效人體

楊柳詞

竹鶴圖

張雨

折蓮花寄韓伯清

水竹居爲湖州沈自誠賦

贈筆生沈君實

揭學士過武康山中十日薛外史江東未至孤
坐予因戲筆破悶二首

海粟松雪酸齋雜書一卷戲題于左

牟應龍

舟中遣懷

聞友人休官

程郇

折楊柳

蕭和

送紙被與中峯和尚

春日懷舊

張翥

憶泛吳興

林德芳

計籌山

葉森

和張貞居

吳師道

寄黃晉卿

又

寄葉審言并簡晉卿

和黃晉卿客杭見寄三首

至大庚戌黃君晉卿客杭與鄧善之翰林黃松

瀑尊師儒魯山上人會集賦詩今至正辛巳

晉卿提舉儒學與張伯雨尊師高麗表上人

會再和前詩上人至京以卷示因寫往年所

和重賦一章

題晉卿應奉上京紀行詩後

陳潤祖

水雲深處

黃玠

壬申元日

弁山隱興迴文

與賀九成知事

春日迴紋爲沈維良作

四時詩 四首

梅花

柳花

陳旌

送左衛教授馬伯忱還湖州

次韓伯清訪句曲外史韻

馬彥恂

次潘仲敏韻

王子中

餘英道中

早春雪後

梅杖

韓友直

招隱舊遊

魯琪琳

沈原昭求詩泐因詩示之

錢驥

鑊笛歌寄楊維禎

薛漢

睡起

和馬伯庸無題
三首

沈夢麟

大都同年鄉會

紙帳

贈趙待制

趙待制席上

林靜

題黃一峯吳山玄隱圖

沈貞

恠梅詩

并序

莘野

春日登城有感

陳敬宗

題吳興趙公畫馬

吳興藝文補卷六十九目

終

吳興藝文補卷之六十九

烏程

閔元衢康侯補遺

韓昌箕仲弓較定

紫參歌 并序

錢起

紫參幽芳也五葩連萼狀如禽羽舉俗名之五鳥花
起故山道人蘭若尤豐此藥校書劉公詠歌之俾予

繼組

遠公林下滿青苔春藥偏宜間石開往往幽人尋水見
時時仙蝶隔雲來陰陽雕刻在如鳥對鳳連雞一何小

春風宛轉虎溪傍
紫翼紅翹翻霽光
貝葉經前無住色
蓮花會裏暫留香
蓬山才子憐幽性
白雪陽春動新詠
應知仙卉老烟霞
莫賞夭桃滿蹊徑

詩補遺

自到郡齋僅經旬日方專公務未及冥遊偷閒走
筆題二十四韻兼寄常州賈舍人湖州崔郎中
仍呈吳中諸客

白居易

渭北離鄉客江南守土臣涉途初改月入境已經旬
甲郡標天下環封極海濱版圖十萬戶兵籍五千人自顧
才能少何堪寵命頻冒榮慚印綬虛獎負經綸候病須
通脉防流要塞津救煩無若靜補拙莫如勤削使科條
簡攤令賦役均以茲爲報効安敢不躬親襦袴提於手

韋茲佩在紳敢辭稱俗吏且願活疲民常未徵黃霸湖
猶借寇恂愧無鐫脚政徒忝犬牙隣制誥誇黃絹詩篇
占白蘋銅符拋不得瓊樹見無因警寤鐘傳夜催衙鼓
報晨唯知對胥吏未暇接親賓色變雲迎夏聲殘鳥過
春麥風非逐扇梅雨異隨輪武寺山如故王樓月自新
池塘閒長草絲竹廢生塵暑遣燒神酎晴教煦舞茵待
還公事了亦擬樂吾身

仲夏齋居偶題八韻寄微之及崔湖州

白居易

腥血與葷蔬停來一月餘肌膚雖瘦損方寸任清虛體
適通宵坐頭慵隔日梳眼前無俗物身外卽僧居水榭
風來遠松廊雨過初褰簾放巢燕投食施池魚久別閑
遊伴頻勞問疾書不知湖與越吏隱與何如

夜泛陽塢入明月灣卽事寄崔湖州 白居易

湖山處處好淹留最愛東灣北塢頭掩映橘林千點火
泓澄潭水一盆油龍頭畫舸銜明月鵲脚紅旗蘸碧流

爲報茶山崔太守與君各是一家遊

嘗羨吳興每春茶山之遊洎入太湖

羨意減矣故云

和楊六尚書喜兩弟漢公轉吳興魯士賜章服命
賓開宴用慶恩榮賦長句見示
白居易

華筵賀客日紛紛劍外歡娛洛下聞朱紱寵光新照地
彤襜喜氣遠凌雲榮聯花萼詩難和樂助墳簞酒易醺
感謝料應知我意今生此事不如君

晚春寄微之并崔湖州

白居易

洛陽陌上少交親履道城邊欲暮春崔在吳興元在越
出門騎馬覓何人

送郭秀才遊天台

并序

許渾

余嘗與郭秀才同翫朱審畫天台山圖秀才因遊是

山題詩贈別

雲埋陰壑雪凝峯半壁天台已萬重人度碧溪疑輟棹
僧歸蒼嶺似聞鐘暖眠鷓鴣晴灘草高臥獼猴暮澗松
曾約共遊今獨去赤城西面水溶溶

我 明侍御張楷和云宕堯煙壑帶雲峯東崦西崗
徑路重溪淺碧灘遺晚棹寺深蒼壁隱昏鐘暖風不
到岩阿草春雪常留欄底松好玩當時畫中景丹霞
映日水溶溶

送林處士自閩中道越由霄抵兩川 許渾

昔劍少青眼 煙波初白頭 鄉關背黎嶺 客路轉蘋洲 處

困道難固乘時恩 易酬鏡中非訪戴 劍外欲依劉 高枕

海天暝落帆 江雨秋蠶聲 應遠鼓 蜃氣學危樓 智士一作

者 役千慮 達人經一作輕 百憂 唯聞陶靖節 多在醉鄉遊

九日寄錢可復

姚合

數盃黃菊酒 千里白雲天一作仙 上國一方振 戎州病未

瘳一作綺陌人消 靜愁惟憶醉 閑走一作悶 不勝眠惆悵

一作念 東門別相逢 知一作更 幾年

題沈公雅卜居圖

朱熹

往者仲長子高情世無儔一朝謝塵躅卜築娛清幽
苑屋八九間下有良田疇後園果垂實前庭樹相樛勝日
賓友來琴觴共舒憂言論覈幽妙理亂窮端由至今一
卷書凜然昭千秋沈侯經濟業夙尚本林丘談笑出幻
境寤言躡斯遊仰睇白石崗俯濯青瑤流曠然宇宙外
邈矣將焉求

奉題李彥中所藏俞侯墨戲

朱熹

不是胷中飽丘壑誰能筆下吐雲烟故應祇有王摩詰

三三三

六三三

五

解寫離騷極目天

送沈興宗察院出使湖南

王安石

諫書平日皂囊中
朝路爭看一馬驄
漢節飽曾衝海霧
楚帆聊復借湖風
皇華命使今爲重
直道酬君遠亦同
投老承明無補助
得爲湘守卽隨公

雨中聞伯恭至湖上

韓元吉

莫嫌鞭馬踏春泥
茶鼎詩囊偶共携
山色雨深看更好
湖光煙接望還迷
連天花絮飛將盡
夾道蒲荷長欲齊
官事得閒須洗眼
蓬壺只在帝城西

上巳日子與沈虞卿尤延之莫仲謙招陸務觀沈

子壽小集張氏北園賞海棠務觀持酒酌花予

走筆賦長句

楊萬里

東風吹我入錦幃海棠點注燕支薄不論宜雨更宜晴
莫愁傾國與傾城半濃半淡晚明滅欲開未開最奇絕
只消一線日脚紅頃刻千株開絳雪偉哉詩人桑苧翁
持盃酌酒澆艷叢坐看玉頰添醉暈爲渠一醉何須問

再和

楊萬里

大空無壁不可幄顛風無動花川薄一春纔有一日晴
帝里遊人爭出城青天如水綠煙滅晴與海棠成兩絕

坐中賓主詩中仙開口揮毫俱玉雪清泉白石翁
若爲挿脚鷓鷯叢老眼作花花作量多慙猿鶴頻相同
跋袁起巖所藏後湖帖并遺像一軸詩中語皆鑿

括帖中語也

楊萬里

先生向來落異縣故人十載不相聞歸來不但荒三徑
點檢松菊無一存裹輪加璧豈不好朝廷禮數優遺老
紅旗黃紙久罷休青山白雲苦死留咫尺西園歸未得
只待桃花水生半篙碧便拏短艇歸結茅共尋赤松與
黃石風煙之表非人間別有天地寬且閑周山賣却不

要錢袁家送酒一破顏猶嫌孤斟大落莫更覓高人共
杯杓銀鈎四紙墨尚鮮妙處難與俗人言忽逢先生自
天降手扶太乙青藜杖仙容可望不可親飄然飛去青
霞上白蘋滿棹何時歸秋着蘆花知不知

程泰之尚書龍學挽詞

楊萬里

廟器圭璋骨儒林虎豹章韋編雙嗣圖禹跡再平當月
冷談經幄塵昏弄筆床西州何處路溪水咽梅鄉

公弭江西節儂橫南浦舟相逢便金石一別幾春秋問
訊頻黃耳歸休各自頭豐碑那忍讀未讀涕先流

寄袁起巖樞密賀新除仍謝送四緘并詩集兼懇

求陳壻薦書

楊萬里

樞相身通貴恩書意轉親四端香一綬一卷錦江春公
卽尊堂印儂方理釣緡五公今果六詩讖也如神僕舊有詩

寄樞密云四

世行看五六

知已熙鴻化陽和被九臯自憐今老病無分惱釣陶獨

念東床客猶沉在選曹春風半張紙立地作宜教朝士謂宜

教作宜教

和袁起巖郎中投贈七字二首

楊萬里

藝文補

卷六十九

八

補遺

故人一別兩相思不但平生痛飲師胸次五三真事業
筆端四六更歌詩閉門覓句今無已刻意傷春古牧之
臥雪高人家譜在春風政着紫蘭枝

道場山下弄山泉
飡菊綉蘭萬物先
送眼飛鴻高四海
補天健筆震三川
池塘碧草回春夢
衣鉢黃梅肯夜傳
雨不饒人有新句
怨渠未許見全篇

走筆和袁起巖元夕前一夜雷作
楊萬里

天公極意辦元宵
頃刻掇雲作雪飄
茂苑長洲花剪玉
蘇臺香徑砌成瑤
午燈剩喜開紅葉
兩鬢還驚插素標

客子孤舟寒折骨無端詩伯苦相撩

再和袁起巖韻

楊萬里

一歲驪聲沸此宵游人麗服正飄飄病夫未暇導引玉
惡語翻成李報瑤天遣素娥提雪月江涵公子更丰標
君家道是關門臥却有新詩來見撩

陸魯望

楊萬里

讀盡詩書不要官饑欲死豈無田生憎俗子慵開眼
逢着詩人便絕絃笠澤弁山三益友筆床茶灶一魚船
羨渠赤脚弄明月踏破五湖光底天

題王亞夫檢正峴湖堂

楊萬里

西峴山光照舊廬北湖水色漾新居
翠鬟夜欲凌波去玉鏡晨當掃黛初
萬壑千巖雙不借輕風細浪一夫須
來書便當催詩雨雪後燈前卷復舒

書來催詩甚急故云

春雨呈袁起巖

楊萬里

昨日晴暄盡十分無端寒濕復今晨
蒼顏華髮差排老急雨顛風屏當春
只有觀書堪遣日從來病眼不如人
詩名滿世真何用更睡先生願卜隣

再和

楊萬里

三春陰晴頃刻分晚來非午午非晨
閣門細草新蒲雨
過眼飛花落絮春顧我江湖釣竿客
識君臺閣步雲人
柯山不患無人作音佐便合留中作近隣

寄題萬元亨舍人園亭七景

楊萬里

不識弁山面相逢笠澤詩祇應晚雲散
玉立對門時山意
蒲牙長幾何已足庇玉尺只恐如主人
潛逃逃不得蒲魚
港

閣前三面山閣下一溪水雲出戲作霖
却歸宿簷裏溪雲
要尋閑世界不在世界外明月與清風
何朝不相對世閑

界

架亭元用木一夕化為竹醉眼碧成朱若個是蒼玉

也賢

何處蒼溪好請君來倚樓西山也驩喜奔走入簾鉤

倚茗

試問縣隱上何如謝東山出處兩無意世間出世間

縣隱

堂

跋陳簡齋奏草

楊萬里

詩宗已上少陵壇筆法仍抽逸少關真蹟總歸天上去

獨留奏草在人間

戲示女伴

龍輔

誰道孤眠苦孤眠却自強請看隔宿鬢常是不勞妝

曉景

龍輔

春日映朝霞新妝出絳紗開簾驚宿鳥倚樹落危花

夏閨

龍輔

日斜未理妝畫長人易倦迴撲硯上蠅墨花濺團扇

春日

龍輔

春服初裁綺寒衣始卸絨花宿金慵蝶林搖半暖風
侵階草逾碧明窻日漸遲携針聽語鳥牽斷繡床絲

睡起

龍輔

下幃恣午睡怪殺鳥相呼起來慵刺繡窻下理菖蒲

答外

龍輔

君信問平安閨中差可歡竹佳連露倚雲好下堦看

偶成

龍輔

情弱抽思長腕嬌運筆拙口誦恐易忘牋書還自裂

蘭梅詩

龍輔

蘭梅逐候舒種此欲何如蘭葉堪崇佩梅花好寄書

山中寄外

并序

龍輔

昔李爽有山家閨怨鄙效顰爲絕句若干以寄君觀

覽焉

湖色開明鏡，巒光列翠屏。雙眉不忍畫，羞對遠山青。
一到空山下，回看遠俗塵。松枝堪作麈，無計贈情人。
若得共此栖，松菊長携手。岸上數株松，何須減五嶺。
脚下繡官鞋，殷懃爲郎做。今日貪看山，鳳頭半已破。
躋攀不辭遠，微汗濕紅粉。萬一有桃源，當期郎共隱。
妾在山中來，郎在溪頭住。郎若泛舟尋，莫誤桃花路。
聞郎今日來，日斜何不至。應知蒿櫓遲，羨殺雲中翅。
茅屋擁紅爐，聊在山中宿。枉却凡上燈，無書供夜讀。

嬌兒漸聰慧出語解人意促奴須早歸恐爺書又至

春日

龍輔

風吹花香薰洞房白日照鏡光射梁後園草暖雙蝶醉
堂前塵落對燕翔

暮閨

龍輔

暮閨翹首覺愁添鑿壁書生隔翠烟獨向嫦娥再三拜
慙慙爲我到郎邊

寫懷

龍輔

初聽鶯聲又燕聲年華不待使人驚桂花開遍門還掩

風自清時月自明

答外

龍輔

郎書來問近如何性癖如郎只似初忍冷臨風因愛雪
抱疴點燭爲看書

寄外讀書處

龍輔

玉人之室隔清洲日日華賤空自酬書似峴碑看卽淚
人非萱草遇還愁

漁父詞

管仲姬

人生貴極是王侯浮利浮名不自由爭得似一扁舟弄

月吟風歸去休

和

趙孟頫

渺渺烟波一葉舟
西風小落五湖秋
盟鷗鷺傲王侯
管甚鱸魚不上鉤

儂住東吳震澤洲
煙波日日釣魚舟
山似翠酒如油
醉眼看山百自由

山中春盡

牟巖

鳥雀風高簾影低
牡丹開後綠陰齊
十年漂泊心如醉
萬里蒼茫意欲迷
雨濕草香沙鴨亂
春深花落竹鷄啼

只緣中歲渾無賴搔首沈吟過水西

題水竹居

牟 巖

繞屋清波隔翠綃魚鱗發發鳥條條
画闌影漾清漣動書几陰來綠雨搖
文采巧當鮫杼薄秋聲微度玉笙嬌
豈惟釣艇終堪繫况是佳人不待招

天台雜書

錢 選

靈境無人桃自花東風吹散赤城霞
山容對我橫天末柳色將春到水涯
王粲憶秦空有恨杜陵入蜀更無家
干戈滿眼何年定回雁悠悠白日斜

雜書

錢選

地僻秋深戎馬閒一尊隨處且開顏誰思銅雀埋黃土
但憶金人出漢關六合茫茫天共遠五湖杳杳雁飛還
中年陶寫無絲竹王謝風流莫強攀

青春躍馬兩山間溪柳岩花動客顏日落孤城金鐸振
草深荒塚石人閒庾郎賦就元無味阮籍途窮且未還
江左風流半摧謝白頭猶自繞鄉關

中秋月

錢選

皎皎天邊白玉盤年年此夕帶愁看松枝積翠欺人老

桂影浮香入鬢寒常記醉來多謬誤又逢秋至輒悲酸
踈桐清露中庭下淚洒西風爲一彈

友人判太平歸來詩卷

錢選

宮錦翩翩五色麟如君端合侍楓宸山中老去陶弘景
湖曲歸來賀季真上界神仙足官府此身城郭舊人民
還鄉我結同盟社只看桃花莫問春

春日卽事

錢選

十日東風暄且妍溪頭花柳競相鮮美人遙隔山川外
社雨忽來尊俎前白髮青春猶故我夕陽幽草自新阡

五陵公子莫輕笑曾散黃金樂少年

夜宿南山僧寺

錢選

高樓一日賞新晴白羽停揮倚綉楹塵世可憐人易老
海門還見月長生蓬瀛縹緲南山小殿閣森羅北斗橫
今古登臨盡如此不須遊子獨含情

次姚子敬清塘卽事韻

張復亨

清溪宛轉日東流遠樹參差淡欲浮鷺下影連沙水白
馬嘶聲入暮天愁悠悠鼓角悲荒戍漠漠風塵滿客舟
便欲携壺尋舊約與君爛醉菊花秋

三月望日陪黃靜叅小宴鮑家山分韻得之字

張復亨

春烟漠漠草離離短策輕衫信所之
泛水落花渾不見因風飛絮澹相宜
一尊且醉青山酒四座誰賡白雪辭
愛煞主人情爛熳倦投荒店更題詩

題蘇潭別業

唐 棣

地遠市塵渾不到信知此地是郊垆
門前水浸籬根綠郭外山垂屋角青
家宴朝朝呼玉友春盤日日課園丁
從教春色歸桃李只種長松采茯苓

無題

唐棣

晚涼池館雨纖纖
熟盡枇杷樹樹甜
誰向尊前歌白苧
紅粧人在水晶簾

秋懷

姚式

弁山山頂素雲浮
溪上丹楓滿樹秋
落日平原多古意
孤城畫角動新愁
風霜催老千年鶴
江海漂殘一葉舟
有酒便須連夜飲
生存華屋死山丘

搔落溪城草樹空
楚天不斷夕陽紅
吳中古殿埋荒草
江左諸人憶謝公
河隴新軍駐城市
川原故鬼哭秋風

愁多不忍聽鼙鼓日暮驚飛何處鴻

聞道行官事已非滿階苔耳着人承芙蓉閣在烟塵暗
清宴堂空鳥雀稀草荒露冷銅駝泣風急秋高鉄馬肥
海嶺燕山雙涕淚千門萬戶靜朝暉

秋清江冷魚龍靜天濶風多草木哀白日團團只西沒
黃河滾滾向南來秦樓月照邯鄲女漢苑春歸銅雀臺
古往今來盡如此莫將人事自相催

山木蒼蒼生暮烟夕陽原上草送川城荒獨鶴歸何處
日暖孤鴻落遠天中原誰復如王猛東海何因問魯連

愁極滄江吟不盡
人生那得酒如泉

送趙修撰

姚式

那知却向關門別
把手相看故意濃
滿屋圖書歸舴艋
高秋旌旆擁芙蓉
翰林風月三千首
上國烟花一萬重
長是南來有鴻雁
莫推禁直嬾題封

晚春

姚式

白眼看春春已殘
雨餘庭戶綠陰寒
碧桃花落荼蘼謝
商略芳情到牡丹

碧筒

陳康祖

曲柄誰擎翠羽旂，輕簧自奏碧桃笙。直容漉酒似陶令，
何用製衣如屈平。露下秋高清徹骨，江空月冷寫無聲。
藕絲一斷蓮心苦，取次鷗眠夢不成。

詠草

陳康祖

密密萋萋綠似雲，不分要路與閒門。官袍若比應無色，
野火曾燒尚有痕。春滿湘南悲帝子，雨餘江上憶王孫。
薰蕕混跡誰能辯，總是東風造化恩。

偶題效人體

章得一

咫尺堦前隔九霄，白櫻桃下若爲嬌。綉成時樣鶯鶯帶，

卸却春裝翡翠翹
曉受玉棊隨輦出
夜粘銀甲抱箏調
有金不買相如賦
日日承恩入內朝

楊柳詞

章得一

細剪春雲一萬層
愁風愁雨更愁冰
宮人若解離人苦
不使君王過廣陵

竹鶴圖

章得一

帶月梳翎露乍收
竹枝蕭灑墨花稠
丹書早寄三天去
容易風生琪樹秋

折蓮花寄韓伯清

張雨

丈八河溝錦作堆一花初照夜明苔濯纓歌向滄浪去
執蓋郎從碧落來見真誥天水染雲如淨練露盤冷玉似
空杯韓家公子多才思乞與香奩相對開

水竹居爲湖州沈自誠賦

張雨

我愛苕溪溪上居琅玕千箇繞平廬早知竹葉仙舟夢
合誤榴皮醉墨書屋底煖雲蒸汗簡月中清露滴方諸
鄰家已許浮家約乞我長竿學釣魚

贈筆生沈君實

張雨

玉堂弄翰青錢退聞道吳興屢出竒何事君家苔蘚壁

醉仙留句只榴皮

揭學士過武康山中十日薛外史江東未至孤坐

予因戲筆破悶二首

張雨

南鎮行香揭夫子歇馬走入計籌山杜尊師去白石在
翻動琳琅翰墨間

一杯愛渠蒸蕨香一槃勸我苦筴涼飽食翻疑得詩瘦
不如頓頓地椒羊

海粟松雪酸齋雜書一卷戲題于左 張雨

長沙老筆混狂瀾

一作戲波瀾

刮耳鷗波點素紈

一作松雪憑誰染素

執翰墨風流作三笑最憐白紵一生酸

一作寒

舟中遣懷

牟應龍

篷底無眠夜氣存起來危坐候朝暾
灘聲轉石雷霆鬧山氣成雲日夜昏
草樹依稀如送客蓬萊清淺獨開尊
歸途只藉詩消遣可惜無人共討論

閩友人休官

牟應龍

卸却魚符換鶡冠不將事事入愁端
滿梳髮爲馳驅短對酒身宜禮數寬
鷓鷯曉班無舊夢雞豚秋社有餘歡
尚慚辟穀終辭去只作尋常父老看

折楊柳

程郁

行盡長亭更短亭
琵琶猶在隔船聽
柳條道是無情物
也向江南一夜青

送紙被與中峯和尚

蕭和

溪翁夜斫蒼梧藤
麻姑山前砧杵鳴
千金買得不龜手
霜刀雪剪裁寒氷
世間不數兜羅軟
蜀錦吳綾何足筭
一池明月白雲澄
四壁東風晴雪煖
道人得此真受用
送君亦作清淨供
梅花帳底春濛濛
莫遣淡粧美人來
入夢

春日懷舊

蕭和

黃鶴山前二月初山家紅杏百千株
兩三人在空回首十五年
前已白鬚城郭古今花共老
江湖風雨雁相呼
此身不解生雙翼去與青春倒酒壺

憶泛吳興

張翥

憶泛茗花溪上船故人爲我重留連
半山塔寺藏雲樹繞郭樓臺住水天
白榜載歌明月上青帘沽酒盡橋邊
計籌山下先塋在欲往澆松定幾年

計籌山

林德芳

吳會東南控二州，憑高懷遠思悠悠。
雲迷大澤魚龍夜，風散平原草木秋。
三尺空悲文種劍，五湖歸去子皮舟。
淒涼舊事成陳跡，惟有青山枕碧流。

和張貞居韻

葉森

素頂飄飄綠髮生，臥雲猶憶佩鑿聲。
釀多白酒傳東老，寫就玉書題伯英。
雪跡留松孤鶴冷，波光入戶狎鷗清。
碧瀾湖上春寒夜，慚愧先生倒屣迎。

寄黃晉卿

吳師道

繡湖有客今奇才，豫章千丈翻風雷。
讀書羞坐廣文館，

騎馬欲上黃金臺石頭城邊訪遺跡長吟不換公卿傲
故山藜桂喚君歸十年被褐無人識我遊東城誦佳句
風雨深春綠陰暮孤舟落日竟空回去燕來鴻不相遇
文章落落俗子噴賈生謫去楊雄貧一時蹇作失意士
千載同是非常人相逢車蓋不用傾與君異縣情已親
卜隣未遂三翰去日夜悵望東南雲

寄黃晉卿

吳師道

故人別我今何適書來尚作吳興客天目雲愁百里陰
太湖浪激三州白孤城渺莽雲浪底高秋悵望川途隔

周南太史終歲滯洛陽年必何人惜似聞幕府招延君
法律應須早致身腐儒白首遭笑罵游戲聊復驚庸人
谷中得士佳有餘新詩滿幅來起予人生可樂在知己
素心不爲食有魚青楓葉赤照野水飛帆翠蓋何時倚
念我孤吟五斷腸閉門寂寞秋風裏

寄葉審言并簡晉卿

吳師道

燕塵越水舊衿裾何事今年賦遂初肉食纔還虎頭相
身謀可復兔園書閉門深巷楊花滿送目停雲暮雨踈
不見黃生今數月因君聊與問何如

和黃晉卿客杭見寄三首

吳師道

一從君客江城去，詩思淒涼酒盞空。
天末倚樓孤岫雨，春深閉戶落花風。
半生正坐才名悞，萬里誰憐意氣同。
坐憶王孫咏招隱，萋萋草色向人濃。

書問蕭條已半年，知君近買過湖船。
江花日暮吹紅盡，店樹春晴起綠烟。
客裏光陰遽如許，人間岐路正茫然。
離羣得似游從樂，紙貴錢塘日萬篇。

翰林學士巴西彥，天祿儒臣漢世雄。
一笑吟邊遺故老，並游方外亦清風。
吳天有象星應聚，冀北成群眼已空。

十載神交未相識臥淹幽谷恨羈窮

至大庚戌黃君晉卿客杭與鄧善之翰林黃松濞

尊師儒魯山上人會集賦詩今至正辛巳晉卿

提舉儒學與張伯雨尊師高麗式上人會再和

前詩上人至京以卷示因寫往年所和重賦一

章

吳師道

後先人物一時雄心迹寧須較異同來此清談散花雨
依然蕩夢聽松風画图長共湖山在烟火頻驚殿閣空
萬里忽逢東海客前詩重寫思何窮

題晉卿應奉上京紀行詩後

吳師道

居庸北上一千里供奉南歸十二詩紀實全依太史法
懷親仍寫使臣悲牛羊野闊低風草龍虎臺高樹羽旗
竒絕茲遊陪禁從不才能勿愧栖遲

水雲深處

陳潤祖

魚鱗屋外水如天桑柘青青雨後田舴艋時從風葉過
鷓鴣祇逐浪花眠采珠遊女遺璠珮問字何人載酒船
不隔南湖三十里錯教魚父覓神仙

壬申元日

黃玠

曙色初開樹影間，屠蘇已薦五辛盤。
青女飛霜夜不寒，千里家山頻覽鏡。
百年塵土一彈冠。
小裁春帖金花紙，吟遍東風十二闌。

弁山隱興迴文

黃玠

萋萋草帶書函碧，瘦竹輕藤引客看。
栖鶴伴雲歸岫晚，斷雲拖雨過江寒。
畦分暗水池亭小，石戴閒花野館殘。
西崦松林通徑窈，共君邀月對琴彈。

與賀九成知事

黃玠

風流江左人何似，猶有清狂賀季真。
早乞鑑湖爲道士

肯呼李白作仙人珠簾遠對鷗邊雨玉塵高吟馬上春
最想若耶溪水綠幾時同戴小烏巾

春日迴紋爲沈維良作

黃玠

肥綠暗園林遣懷幽興寫飛花颭急風遠水吞平野歸
雁待簾開沒魚驚釣下依依恨晚春蝶夢迷遊冶

四時詩

黃玠

酒醒簾外日三竿陌上晴泥苦未乾人在花深聞笑語
黃金小碾闌龍團

水碧湘筠浪織成粉藍輕縠小帷屏侍兒生怕風吹夢

故傍牀頭落剪聲

急杵清砧送月明佳人玉臂嫩涼生征衣未寄心情懶
却怨隣姬調錦箏

隔窗風玉語珊珊香鼎才溫酒又寒已有瑤花飛六出
翠裾沾得向人看

梅花

黃玠

飲散羅浮清夜長銀絲桂燭雪生香人間那得量珠斛
合與東風聘海棠

柳花

黃玠

片片吹落梅花寒太湖老漁狎唱清江歌仙人側臥吹
回波七十二峰翠鸞舞大雷小雷走深渦君山弄最奇
絕一聲草木摧二聲山石裂三聲蜿蜒躍波起四聲卷
海作飛雪五聲山岳盡動搖六聲百鳥皆噤舌七聲吐
氣乘虹霓八聲枝上金烏啼八聲銀光射斗牛丹桂身
邊玉兔九聲十聲迸銀河鬼神盡立天嵯峨河鼓輟
其耜天孫停玉梭九重震疊開蕩蕩帝閭驚走忘麾呵
鈞天丈人側耳聽口叱健吏傍搜羅分甘吹笛樂吾樂
芒屨懶上金鑿坡仙人仙人鍊石腸引喉噴鍊金琅璫

中通外竅直以銅鑊鄒善鳴鳳凰抵須截竹崑崙岡願
將缺崖壽缺笛后天不老凋三光

睡起

薛 漢

卷簾春色上苔衣新水相看近竹扉風動樹枝鳴宿鳥
雲收山嶼放晴暉舉杯竹葉掃愁去欹枕楊花約夢飛
腸斷碧茗溪上路煖風晴日釣魚磯

和馬伯庸無題

薛 漢

羽林垂彩動天江幕府先懸白玉幢吏法有章皆畫一
將壇得士故無雙臺中長夏霜凝簡掖內通宵霧鎖凶

若使九門容徑入肯思岩隱抱流淙

良人執戟侍明光誰與金爐共夕香粧鏡曉寒凝蝶粉
舞衣春暖妬鶯黃渡江桃葉應憐我照水荷花似見郎
歎息蹇修無復理愁思摻手爲縫裳

乘槎淮擬逐秋潮却訪成都萬里橋滄海有山皆縹緲
青雲無路不迢遙閒居潘岳驚斑髮歸去陶潛懶折腰
後夜相期明月上露臺高處坐吹簫

大熱向年鄉會

沈夢麟

郭外行厨樂且湛柳條春水綠相涵九重策士綸音近

三月看花酒氣酣天下驎駒多冀北榜中人物半江南
明年重應金門詔未必狂生不與驂

紙帳

沈夢麟

新製谿藤斗樣寬白光玉潔照衣冠可容公子圍春色
只爲儒生壯歲寒五夜白雲頭上起一天香雪夢中看
覺來門外霜風冽却憶蒼生臥不安

贈趙待制

沈夢麟

蓮花莊北長橋東客來卜居水晶宮參差樓閣烟塵外
窈窕山川圖畫中細雨新帆來舞袖故家喬木鎖春風

請看杜牧題詩處千古風流一笑同

趙待制席上

沈夢麟

春城飛絮日顛狂
簾幙風微燕子忙
醉後不知羅袖薄
牡丹花上月如霜

題黃一峰吳山玄隱圖

林靜

鳳凰城中山色青
仙翁看山不出庭
并刀落手三尺翠
剪得壺中小枕屏
白雲滿谷秋冥冥
黃石化作天上星
手携明月浴海水
玉珮風微吹鳳翎

帷梅詩

并序

沈貞

山人有以恠梅爲蔣國夫獻者等枝天橋鎖鈕連絡
殆非凡物幻成必造化有以成就之者呼酒招我吟
長句以逞其奇

波神活拔蒼龍角血點角尖珠歷落江妃水仙恠驚愕
一夜狂風鬼神作擲向江南寄寥廓野隈水邊山岸脚
山神巡山導孤鶴鶴行見角仰復豕銜依老枿得潛托
凍作寒梢綴繁萼姑射仙人嬌綽約冰肌玉骨瘦如削
夜深竊食端娥藥飛鳧又向寒梢着江南詩人好奇客
好花好德不討色年年臘盡便尋春尋到春深尋不得

老樵入山日欲晡斷崖忽逢七尺枯香爐濃熏古篤禱
如意擊折青珊瑚持歸詩人一笑粲公初安在見何晚
急呼置之白玉堂滿堂冰雪堆寒香

春日登城有感

莘野

凭虛高立午風輕望入平湖眼更明白鳥影邊陽羨樹
青山堆外闔閭城樓臺霽色千家日楊柳春聲幾處鶯
滿眼故人零落盡落花芳草不勝情

題吳興趙公畫馬

陳敬宗

古來畫馬說韓幹神駿今歟吳興公天機巧妙奪真造

筆意所到精靈通曹君曾圖照夜白少陵昔詠玉花驄
可憐人馬久不見忽復覩此天閑中毛爲銀絲雪爲質
逸氣稜稜橫八極騰空駿足雪影翻夾鏡方瞳電光赤
房精夜燭渥水涓矯然育此真龍媒同誇絕代得駿骨
顧視萬乘皆凡才奚官牽來玉墀側虬髯碧眼朱袍窄
絨鞦碧鞚珊瑚鞭錦鞵綠轡黃金勒吳興自是宗室親
騷鬣驪駒嘗見真飛騰驚竦令變化故爾覩素皆麒麟
祗今披圖畫堂裡便覺長鳴朔風起安得真持獻紫宸
參駕龍駟奉冊辰

終